



Convenio de colaboración entre a Xunta de Galicia, a través da Consellería de Cultura, Educación e Ordenación Universitaria, e a Fundación Feiras e Exposicións de Ourense

MEMORIA XUSTIFICATIVA

O Director Xeral de Educación, Formación Profesional e Innovación Educativa da Consellería de Cultura, Educación e Ordenación Universitaria, **DECLARA:**

Que a Consellería de Cultura, Educación e Ordenación Universitaria ten previsto formalizar coa Fundación Feiras e Exposicións de Ourense o instrumento convencional arriba referido cun período de vixencia de catro anos desde a data da súa sinatura.

Que o instrumento convencional ten por obxecto:

Establecer as bases da colaboración entre a Consellería de Cultura, Educación e Ordenación Universitaria e a Fundación Feiras e Exposicións de Ourense, en adiante Expourense, que estarán enmarcadas nos seguintes obxectivos:

- a) Establecer o marco de colaboración de cara á participación activa do profesorado e alumnado dos centros de formación profesional, nas distintas actividades que se organicen en Expourense.
- b) Colaborar na formación e actualización do profesorado dependente da Consellería de Cultura, Educación e Ordenación Universitaria.
- c) Establecer un programa de formación en centros de traballo, para alumnado que curse formación profesional inicial e o desenvolvemento do mesmo nas instalacións de Expourense.
- d) Desenvolver liñas de actuación que xeren un impulso á formación profesional dual, ao fomento do emprendemento, ao apoio á posta en marcha de proxectos de innovación nos centros de formación profesional; así como calquera outra de interese para as partes.

Que existe converxencia de intereses entre as entidades asinantes en orden á consecución do obxecto referido.





Que o instrumento convencional que se pretende asinar se fundamentan no seguinte:

1. Que Expourense entre outras fomenta a promoción de actividades comerciais, industriais, agroindustriais, sociais, educacionais e calquera outra que teña por obxecto a promoción e desenvolvemento destes sectores en Galicia e o nivel profesional de todos os sectores da actividade económica.
2. Que a Consellería de Cultura, Educación e Ordenación Universitaria está interesada en participar e colaborar nas feiras que Expourense organiza ao longo do ano.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase dixitalmente esta memoria, en Santiago de Compostela.

O Director Xeral de Educación, Formación Profesional e Innovación Educativa
Manuel Corredoira López

